



The Human Rights Centre Uganda



**ESUURA YA KANA EY'KIRAGIRO EKIKURU EK'HANGA LYA  
UGANDA EKIRUKWETWA KONSITITYUSONI, 1995:  
KYOROBEZIIBWE KANDI KYAFUNZIIBWA**

# Esuura ya kana ey'kiragiro ekikuru ek'hanga lya Uganda ekirukwetwa konsityusoni, 1995: kyorobeziibwe kandi kyafunziibwa

## OKWANJURA:

Omu suura ya kana eya konstityusoni ya Uganda harumu ebintu ebikuru ebirukukwata ha bugabe bwomuntu obw'azarwa nabwo, kandi obugabe bunu abantu boona abomunsi babwiina.

Akatabu kanu kokubanza omubutabu obuhandikirwe Ekitongole ky'Obugabe bw'Abantu ekya Human Rights Centre Uganda. Obutabu bunu buhindwirwe omundimi musanju eza Uganda kuruga omurujungu. Endimi zinu nizo: Acho li, Ateso, Kiswahili, Lango, Luganda, Runyankole-Rukiga na Runyoro-Rutooro.

Ekitongole ky'Obugabe bw'Abantu rundi Human Rights Centre Uganda kimanyire nkoku ebitongole ebindi enyumaho bikahindura konsityusoni ya Uganda mundimi nizo zimu. Omurundi gunu ekihyaka ekikozirwe kibaire kulengaho kworobya n'okufunza obucweeka obuli mu suura eya kana.

Ekitongole kinu, nikija kwikara nikimanyisa abantu ebintu ebirukukwata habugabe bwabantu kandi nikisaba omuntu weena kurora ngu yamanyisa abantu boona amakuru agali mukatabu kanu.

Human Rights Centre Uganda nesiima muno Royal Norwegian Embassy na Irish Aid ha bwobusagiki obwasente obubagihaire nukwo esobole kuhandika akatabu kanu. Ekitongole nikisiima Uganda Law Reform Commission habwokukikonyera kworobya n'okufunza esuura yakana eya konsityusoni ya Uganda.

## **MANYA OBUGABE BWAVE, EKICWEKA 1**

Ekicweka Kyakana (4) Eky'ekiragiro Ekikuru Ek'ihanga Lya Uganda Ekirukwetwa Konstityusoni Omubigufu

### **Orugiga 20 Nirugamba Ruti:**

1. Itwena tuzaarwa n'obugabe bwaitu nk'abantu kandi nitwinganaingana ekitinisa. Obugabe bwaitu tibutuhairwe buhabwa lhangana, tuzaarwa nabwo.
2. Obugabe bwaitu bwina kutebwamu ekitinisa kandi n'okukuzibwa gavumente, ebitongole byayo, n'abantu boona.

### **Orugiga 21 nirugamba ruti:**

1. Omubiragiro b'lhanga , abantu boona nibainganaingana omu byona, nahabweki twina kulindwa omubwinganiza hansi y'ebiragiro ebi.
2. Titusemeriire kusororwa rundi itwe kusorora omuntu weena kusigikira habyobuhangwa, habwokuba mukazi rundi musaija, haihanga, erangi eyomubiri, obuzaarwa, ediini, ebyentaahya, ebyenyikara , ekitinisa abantu ekibarukumuha, eby'obulemi , rundi obulema n'obuteegasira obwomulingo gwona.
3. Orukurato orukuru orw'lhanga (Parliament) rwina kutaho ebiragiro ebirukwetagisa kwihaho akasororangaine n'okunyigiriza abantu omw'lhanga.

### **Orugiga 22 nirugamba ruti:**

1. Itwena twina obugabe kuba n'obwomeezi. Busaho arukukwikirizibwa kwihaho obwomeezi bw'omuntu weena rundi buli kikoziwe omubiragiro by'lhanga hanyuma y'okusalirwa ekifubiro ekyokufa okuraba omukooti y'lhanga.
2. Busaho muntu arukwikirizibwa kwihamu enda nobukwakuba kwihamu omuntu ondi enda rundi buli akikoziwe omubiragiro b'lhanga.

### **Orugiga 23 nirugamba ruti;**

1. Busaho muntu asemeriire kukwatwa n'okubohwa omunkomo rundi buli kikoziirwe omubiragiro b'lhanga.
2. Omuntu weena obu arakwatwaga nabohwa omunkomo aramanyisibwaga ahonaho ensonga eyemukwasize, araalindirwaga omukiikaro ekikiriziibwe omubiragiro b'lhanga, kandi aratwarwaga omumaiso g'omuramuzi omukooti hatakahingwireho esaaaha 48 kuruga akwatwa.
3. Omuntu obu aranyegererwaga omusango omukooti bugabebwe kusaba kooti kwemerwa akalekerwa lekerwaga kuruga omunkomo (bail) kooti obwerabaga ikirize, nukwo atonganege narugiirra omumakage kuhikya kooti obwerisara omusango gwe, ekagumusingisa rundi akagusinga.
4. Omuntu owarabaga atakwatiirwe omubiragiro, asemeriire kuleherwa habwokukwatirwa n'kubohwa omumulingo ogurukucwa ebiragiro.

### **Orugiga 24 nirugamba ruti:**

Busaho muntu arabonabonesebwaga rundi arafubirwaga omumulingo ogw'okubonabonesibwa rundi ogutahikire kufubirramu omuntu.

### **Orugiga 25 nirugamba ruti:**

1. Busaho muntu arafworwaga mwiru rubaale.
2. Busaho muntu weena arakozesibwaga n'empaka; kwihaho :
  - i. Kiragiirwe kooti y'lhanga.
  - ii. emirimo eyerukwetagwa habw'obwecumi rundi habw'okusemeza ekiikaro nambere omuntu ogu abohiirwe.
  - iii. Omuntu wamahe rundi mupolisi kandi omulimo grabo nigwetagisa kukora emirimo egi.
  - iv. Eri mirimo erukwetaagwa kukorwa obuharukuba hagwireho ebizibu rundi akatabanguko rundi akabi koono.

## **MANYA OBUGABE BWawe, EKICWEKA 1**

- v. Emirimo eyabulikiro eya burungi bwansi.

### **Orugiga 26 nirugamba ruti:**

1. Buli muntu aina obugabe bw'okutungwa itungo , uwe habwe rundi omukitebe n'abandi.
2. Ebintu by'omuntu tibisobora kumwihwaho n'empaka rundi buli kuli kuhikiriza ensonga zinu:
  - i. Obukiraba nikyetaagwa habwoburungi bw'abantu boona, rundi habw'ensonga y'ebiyokwerinda, kulinda abantu, kuleetaho okuteekana, kulinda abantu rundi obwomeezi bw'abantu.
  - ii. Kandi mukama w'ebintu ebinyakutwairwe habwensonga ezibaziibweho haiguru aina kuleherwa omuhendo ogusemeriire kandi oguhikire ebintu ebitwairwe.
3. Busaho kiragiro kyona ekiratangaga omuntu anyakwihirweho ebintu by'e kugenda omukooti kulengaho kubigarraho.

### **Orugiga 27, nirugamba ruti:**

Busaho muntu araayazibwaga , noobwakubaire eka ye rundi ebintu bye omumulingo ogutali omubiragiro; rundi arataahataahirirwaga abantu abandi omumaka ge.

### **Orugiga 28 nirugamba ruti;**

1. Itwena twina obugabe bw'okutonganizibwa omubwangu , n'omubingwaniza kandi murwato kandi omukooti eyetongoire obuturabaga tunyegeriirwe omusango.
2. Omuntu wena owarabaga anyegeriirwe kuba acwire omusango aina obugabe bunu:
  - i. Aratwarwaga nk'omuntu ataina musango okuhikya kooti obwerahurraga obwakaiso ekamusingisa omusango ogu rundi uwe wenka kwikiriza ngu gumusingire

## Esuura ya kana ey'kiragiho ekikuru ek'hanga lya Uganda ekirukwetwa konsitiyusoni, 1995: kyorobeziibwe kandi kyafunziibwa

- ii. Aramanyisibwaga ahonaho omusango arukujunanwa omurulimi orwarukwetegereza.
  - iii. Arahebwaga akasumi akarukumara habwokwetegekera kutongana.
  - iv. Araikirizibwaga kwija omukooti harukutonganira omusango buli murundi kooti obweraikarraga ;
  - v. Araabaga nobugabe bwokutonganirirwa puliida hasente z'lhanga obwarabaga anyegeriirwe omusango ogwina ekifubiro ekyokufa rundi kubohwa obwomezibwe bwoona.
  - vi. Arabaga nobugabe kuheebwa omuntu ow'okumuhindurra omurulimi arwarukwetegereza hataro kumusasuza.
  - vii. Asemeriire kwikirizibwa kukaguza ebikaguzo abakaiso borubaju orurukumujunana, kandi nawe kuleeta abakaisobe kwejuna omusango.
3. Omuntu weena arajunaanizibwaga omusango arabahoga omukooti obwarabaga natonga rundi buli kooti eragiire ngu aihweho habwokuba engesoze n'ebikorwabye omukooti nibitanga omusango kugenda omumaiso kurungi.
  4. Busaho muntu araajunaanizibwaga rundi araacwerwaga omusango , kakuba kizoorwa ngu omukasumi aka yakoliiremu ekikorwa eki gakuba gutali musango.
  5. Busaho muntu aaratonganizibwaga omusango kakuba omuntu ogu araahaga obwakaiso ngu akaganyirwa habw'omusango ogu.
  6. Omuntu tajunanwege rundi kusingisibwa omusango gumu emirundi ebiri omukooti ezinyakuli haidara limu rundi omusango oguyabaire asingireho rundi buli kooti erukujulirwamu eragiire ngu kikorwe.

## **MANYA OBUGABE BWAVE, EKICWEKA 1**

7. Okwihaho omusango gw'okujooga n'okurabyamu kooti amaiso emisango endiyoona ina kuba esoboroirwe kurungi omubuhandiiki omubiragiho. Busaho omuntu aina kusingisibwa omusango ogutasoboroirwe kurungi omubihandiiko by'ebiragiho kandi nekifubiro ky'omusango ogo kina kuba kihandikirwe omubiragiho b'lhanga.
8. Omusaija tasobora kuhambirizibwa kuha bwakaiso hali mukaziwe rundi omukazi kuhambirizibwa kuha obwakaiso oburukwomereza iba.

### **Orugiga 29 nirugamba ruti:**

Buli muntu araabaga n'obugabe bunu:

- i. kutekereza, nokwecumiitiriza eki arukwenda.
- ii. kubaza n'abantu n'okuboleka ebitekerezo bye.
- iii. okuba omudiini zaitu n'okukora ebizirukuragira.
- iv. kukora enkurato n'okwesoroza okwokoleka okuhyema rundi kusagika ekiturukugonza hamu n'abantu abandi omubusinge,
- v. kutaaha omunkoragana n'abantu abandi hamu n'ebitebe ebindi otwaliremu ebitebe ebyabakozi n'eby'obulemi
- vi. kurubata omu lhanga lyona erya Uganda n'okwikara omukicweka kyona omunsi ya Uganda.
- vii. kugenda aheeru ya Uganda nokugaruka omu Uganda.
- viii. kutunga passipoota rundi ebihandiiko ebindi byona ebyokurubahiraho.

### **Orugiga 30 nirugamba ruti:**

Abantu boona baine obugabe obw'okwegesibwa.

### **Orugiga 31 nirugamba ruti:**

1. Abasaija n'abakazi ab'emyaka ikumi namunaana n'okukiraho baina obugabe kutaaha omubuswere bakatandika amaka .
2. Obuswere hagati y'omusaija n'omusaija rundi omukazi n'omukazi tiburukwikirizibwa.
3. Obuswereburaatahwamugahanyumay'okwikiriza n'okwegondeza hagati yomusaija n'omukazi.
4. Omusaija namukaziwe baine obugabe oburukwinganaingana omubuswere bwabo. N'obubarukwahukana baina kutwarwa nk'abarukwinganaingana. Kinu nikitwarramu obusobozi obubaina ha baana baabo, n'ebintu ebibabaire batungire.
5. Bujunanizibwa bw'abazaire kuroterra n'okworora abaana baabo.
6. Abaana tibasobolege kwahukanizibwa kuruga hali bazaire baabo, amaka gaabo, rundi abakuza baabo, rundi buli kikoziirwe omubiragiho by'lhanga.
7. Orukurato orukuru orw'lhanga (Parliament)ruratahoga ebiragir o ebisemeriire habw'okulinda obugabe bw'enfaakati, n'abaferiirwe abakazi babo kandi nokuba n'obugabe bwomizaire habaana be.

### **Orugiga 32 nirugamba ruti:**

1. Ihanga liraatahoga enkora eyembaganiza kumaraho obutali bwinganiza hali abantu ababaire nibasororwa habwokuba bakazi rundi basaija, habw'emyaka yabo, habw'obuteegasira bw'obulema rundi ebintu ebindi byona ebyalesirweho ebyafaayo by'lhanga, emigenzo rundi emirwa y'ensi ebirukurubatiirra obugabe bwabantu.
2. Buli Kiragiho,migenzo, engeso rundi emirwa n'ebyobuhangwa ebirukurubatiirra abakazi rundi abantu abandi n'okubalemesa kuba kurungi omubwomezi bwabo bitangirwe habwokuba nibicwa ekiragiho ekikuru ek'lhanga.



## **MANYA OBUGABE BWAVE, EKICWEKA 1**

### **Orugiga 33 nirugamba ruti:**

1. Abakazi boona bazaarwa bali Bantu b'obugabe kandi baina ekitinisa n'obugabe ebirukwinganaingana n'ebyabasajja.
2. Ihanganga liratahoga enkora erukusoboza okukura kwabakazi omubwomezi bwaabo obwabulikiro n'omumirimo yabo.
3. Ihanganga liralindaga obugabe bw'abakazi kutarubatiirwa hawokuba Bantu b'omugaso kandi bazaire omu Ihanganga.
4. Abakazi baina obugabe bumu n'abasajja kandi barahebwaaga emigisa erukwingana omuby'obulemi bwensi, omubyentaahya nebintu ebindi ebyobwomeezi obwabuli kiro.
5. Abakazi basemeriire kuhebwa omugisa mwingiho kukiraho ogw'abasajja omubintu ebitali bimu kurora ngu obutali bwinganiza obwalesirweho okurubatiirwa kw'obugabe bwabu bwarugaho nabo bagaruka harutindo rumu nabasajja.

### **Orugiga 34 nirugamba ruti:**

1. Abaana boona baraabaga n'obugabe kumanya n'okuroleererwa abazaire baabo rundi abo abaragijirwe kubakuza.
2. Ihanganga hamu n'abazaire b'abaana baina obujunanizibwa kusomesa abaana baabo.
3. Busaho mwana weena araayangirirwaga kujanjabwa obwarukuba arwaire, omugisa gw'okusoma rundi omugisa ogundi gwoona habw'ensonga yediini rundi enyikiriza endi yooona.
4. Busaho muntu arakirizibwaga kukozeza omwana omumulingo omubi gwoona rundi kumukozesa emirimo omumulingo oguramutangakusoma, rundi omulingo ogurukuta obwomeezibwe, obwongobwe n'engesoze omukabi.
5. Ihanganga liina obujunanizibwa kulinda omumulingo gwembaganiza, enfuuzi zoonna n'abana abarukunagirizibwa.
6. Omwana obwaracwaga emisango taabohwege omunkomohamu nabantu abakuru.

### **Orugiga 35 nirugamba ruti:**

1. Abantu abaina obulema nabo baina obugabe nekitinisa nk'abantu abandi.
2. Ihanganga lirakoraga ekirukusoboka kurora ngu abalema nabo bakuzibwa omubuli kimu nkabantu abandi.

### **Orugiga 36. nirugamba ruti**

Abantu abake omumihendo (minorities) nabo baina obugabe kwetaba omukwirukaniza ensonga zensi yabo. Abategeki b'ihanga baina kurora ngu ebitekerezo byabo nokuhanuura kwabo byahulirwa.

### **Orugiga 37 nirugamba ruti**

Itwena twina obugabe, kwegondeza nokwenyumiririza omubuhangwa bwaitu nokukuza obuhangwa, orulimi, emikoro n'enyikiriza zaitu, buli omu rundi tweteranize nabantu abandi.

### **Orugiga 38 nirugamba ruti;**

1. Itwena twina obugabe kukoma abalemi baitu nokwetaba omukwirukanganiza ensi yaitu, nka buli omu rundi hamu nabantu abandi, kandi nokuraba omubakurasi babo.
2. Itwena twina obugabekweeterana munsoorrokana z'obusinge habw'okiranura emikorre ya Gavumenti naaraba omubitebe ebiikiriziibwe.

### **Orugiga 39 nirugamba ruti**

Itwena twina obugabe bw'okwikara ahantu aheecumi kandi hataturwaze rundi nokurugirraho kufa.

### **Orugiga 40 nirugamba ruti;**

Itwena twina obugabe :

1. obw'okukorra emirimo ahantu aharungi ahaina obusinge hatatuntuze obwoomezi.

## **MANYA OBUGABE BWAVE, EKICWEKA 1**

2. kuumura, nobusumi obwokukora obutahinguraine muno, nebiro by'okuumura ebisasuliirwe obaliiremu n'ebiro ebyokuumura ebitongole.
3. okukora emirimo eyitwatendekerwemu hamu nemirimo endi yoona ey'ebyentahya.
4. kweteraniza omukitebe ky'abakozi eki twegondiize itwe itwenka nukwo basobole kuhanuura n'okurwanirra ensansura enungi, nomulingo gw'okukozeesibwamu omurungi.
5. Buli mukozi aine obugabe kuleka omulimo rundi kwanga kuhandikwa hamulimo obwarukuba atasimiire, nahondera ebiragiho.
6. Omukazi omukozi anyakwina enda aina obugabe okurolerwa mukamawe atakazaire na hanyuma yokuzaara nkoku ebiragiho birukugamba.

### **Orugiga 41 nirugamba ruti:**

Itwena twina obugabe kumanya amakuru aga Gavumenti ina okwihaho okuturukya amakuru ago obu kurukuba nikusobora kusiisa rundi kuletaho obuzibu omubyokwerinda b'ihanga rundi nikitahiirra n'okwihaho obugabe bw'omuntu ondi.

### **Orugiga 42 nirugamba ruti;**

Itwena twina obugabe kutwarwa kurungi bakama baitu kandi omubwinganiza. Kandi twina obugabe kugenda omukooti kulengaho kwihaho okusaraho kwona okutali kw'obwinganiza okukozirwe bakama baitu.

### **Orugiga 43 nirugamba ruti;**

1. Itwena twina obujunanzibwa kutamu ekitinisa obugabe bw'abantu aband. Omukwegondeza omubugabe bwaitu, titwina kurubatirra obugabe obwabantu aband.

## Esuura ya kana ey'kiragiro ekikuru ek'hanga lya Uganda ekirukwetwa konsitivityusoni, 1995: kyorobeziibwe kandi kyafunziibwa

2. Obugabe bwomuntu busobora kutebwaho nati obuburaba nibusobora kurubatirra obugabe bwabantu abandi. Baitu kinu tikirukutwarramu binu;
  - i. Kuhaahaaza n'okuhiganizibwa habw'ebyobulemi
  - ii. Omuntu okubohwa omunkomo atacwerirwe musango
  - iii. Ekikorwa kyoona ekitarukwikirizibwa omunsi eyobusinge rundi ekitarukwikirizibwa ekiragiro k'ihanga ekikuru.

### **Orugiga 44 nirugamba ruti:**

Obugabe bw'abantu obutaina kwihwaho nakake mbunu;

- i. kutaterwa, kutabonabonesibwa n'okutafubirwa okamarwamu ekitinisa kyomuntu.
- ii. ku taatwarwa nk'omwiru rubaale rundi kukoze sibwa nk'omwiru.
- iii. Buli muntu owatairweho omusango arakirizibwaga okuhurra ebirukumujanwa byona nokwetonganaho kulengaho kwejuna omusango nkoku ebiragiro b'ihanga birukugamba.
- iv. Omuntu owaakwasirwe omunkomo rundi abohirwe hantu hoona abamukwasire bangire kumutwara omukooti, aina obugabe okusaba court ebahambirize kumuleeta omukooti, nukwo asobole kwerehanaho omubiragiro.

### **Orugiga 45 nirugamba ruti:**

Twina obugabe kwegondeza omubugabe bwaitu obw'abantu nkoku busoboroirweho omu kiragiro ekikuru ek'ihanga (Konsitivityusoni).

### **Orugiga 46 nirugamba ruti:**

Orukurato orukuru orw'ihanga rwina obusobozi kukora ekiragiro ekirukuragira okwihaho rundi kukehya obumu ha bugabe bw'abantu obuharukuba haroho obutabanguko omw'ihanga. Ekiragiro kinu kisobora nokuragira kukwata n'abantu abamu omunkomo.

## **MANYA OBUGABE BWawe, EKICWEKA 1**

### **Orugiga 47 nirugamba ruti:**

Omuntu owarabaga akwasirwe omunkomo habw'obutabanguko omw'ihanga arakolerwaga binu;

- i. Aramanyisibwaga omubuhandiiki ensonga emikwasize omusaha 24.
- ii. Ibarundimukaziwerundiomunyabuzaalewearamanyisibwaga okukwatwa kwomuntuwe esaha 72 zitakahoireho.
- iii. Okukwatwa kw'omuntu ogu kurahandiikwaga omukitabu eky'Orukurato orukuru orw'lhanga ekirukwetwa Gazette ebiro 30 bitakahoireho. Ekihandiiko omu Gazette kirayolekaga ensonga ekwasize omuntu ogu nkoku ebiragiro birukugamba.

### **Orugiga 48 nirugamba ruti:**

1. Ekitongole ekikora ha bugabe bw'abantu ekirukwetwa Uganda Human Rights Commission, rundi omubugufu (UHRC) kirayetegerezaga ensonga z'omuntu ogu anyakukwasirwe habw'obutabanguko omwihanga hatakahoireho ebiro 21 kuruga akwatwa. Hanyuma UHRC erayeyongeraga kuseruliza n'okwetegereza ensonga ze buli hanyuma yebiro amakumi asatu.
2. UHRC ina obusobozi okuragira kulekerwa k'omuntu owarabaga akwasirwe habw'obutabanguko omw'lhanga. Baitu kandi UHRC nesobora kwikiriza omuntu ogu aikale omunkomo.
3. Omuntu anyakukwasirwe habw'obutabanguko omw'ihanga aina obugabe kwija rundi kuleetwa puliida we omumaiso ga UHRC obwerukuba neyetegereza ensonga ze.

**Orugiga 49 nirugamba ruti:**

1. Gavumenti obwerangirraga kwihwaho kw'obumu habugabe bw'abantu habw'obutabanguko omw'lhanga, eramanyisaga orukiiko orukuru orw'lhanga ensonga enu kandi kihandikwe omu Gazette buli kwezi. Binu nibyo gavumenti eramanyisaga orukiiko rw'lhanga ha nsonga enu;
  - i. Amabara n'omuhendo gw'abantu abakwasirwe.
  - ii. Gavumenti ekyerabaga ekozire kuhikiriza ebirabaga biragiirwe UHRC hakukwatwa kw'abantu banu.
  - iii. Bantu baingaha omuli abo abakwasirwe aba UHRC esoboire kuserulirizaho ha nsonga zabo.
2. Gavumenti obwarabaga egarwireho obugabe bw'abantu hanyuma y'obutabanguko kuhwaho, buli muntu arabaga akwasirwe habw'obutabanguko obu arasumururwaga rundi buli obwarabaga ajunainwe omusango.

**Orugiga 50. nirugamba ruti;**

1. Itwena twina obugaba kwirukira omukooti okurwanisa ekikorwa kyona ekirukwihaho rundi ekirukwenda kwihaho obugabe bwaitu. Kandi twina obugabe kujurra omukoti eyahaiguru kakuba tuba tutaikirranize nokusara kwa kooti eyitwirukiremu.
2. Omuntu wena aina obugabe rundi ekitebe kyona kina obugabe okunyegerra wena araba aihireho obugabe bw'omuntu ondi rundi abantu abandi.
3. Orukiiko orukuru orw'lhanganirutekwa okukora ebiragiho e birasoboza abantu okutunga nokwegondeza omu bugabe bwabo.

**Orugiga 53. nirugamba ruti;**

Obugabe bwawe obuburaba burubaturirwe, oli w'obugabe kweterra enduuru omu UHRC habwokuba nikyo kitongole ekiina obusobozi kuragira, arukukurubaturra alekeraho kandi n'okuragira kukuleherra.

**The Human Rights Centre Uganda,**  
P. O. Box 25638, Kampala,  
Uganda.

Telephone: +256 414 266186  
E-mail: [hrcug@hrcug.org](mailto:hrcug@hrcug.org)  
Website: [www.hrcug.org](http://www.hrcug.org)